

【正法五百年，像法千歲，末法萬歲】（科註第九八八頁第五行）

《三藏法數》「三時」條（節錄）：「出南嶽祖師發願文」

謂釋迦如來入滅之後，其教法住世，有此三時不同也。

一、正法時：正猶證也。謂如來滅後，教法住世，人有稟教者，即能修行；有修行者，即能證果，是名正法。據法住記云：佛告阿難：我滅度後，正法一千年，由女人出家，減五百年。又據善見論云：後為比丘尼說八敬法，還得一千年。（八敬法者，一、尼百歲，禮初夏比丘足；二、不得罵謗比丘；三、不得舉比丘過；四、從僧受具戒；五、有過從僧懺；六、半月從僧教誡；七、依僧三月安居；八、夏訖從僧自恣法也。（自，即自陳己過；恣，即恣他舉罪））

二、像法時：像者似也；有教有行，似正法時故也。謂如來滅後，教法住世，人有稟教，即能修行，多不能證果，是名像法。據法住記云：佛告阿難：我滅度後，像法一千年。

三、末法時：謂如來滅後，教法垂世，人雖有稟教，而不能修行、證果，是名末法。據法住記云：佛告阿難：我滅度後，末法一萬年。

【塗毒鼓】（科註第九八九頁倒數第二行）

《佛學大辭典》：（雜語）以毒料塗於鼓上，使人聞聲而即

死者也。

傳燈錄曰：「全豁禪師上堂，一僧出禮拜請。師曰：吾教意猶如塗毒鼓。擊一聲，遠近聞者皆喪。」

○毒鼓（節錄）：（譬喻）毒鼓之聲能殺人，以譬涅槃經所說佛性常住之聲，能殺害眾生之五逆十惡，使入於佛道也。